

rum, ex quo te non nisi fides catholica salvum fecit, A habebis hanc epistolam adversus eos qui tibi temporis præteriti errorem, quatum ad istam nefariam pertinet sectam, objiciendum putaverint, quæ scripta est die illo et consule illo.

Electis vero Manichæorum qui se converti dicunt ad catholicam fidem, etiamsi et ipsi secundum superiorem formam eamdem hæresim anathematizaverint, non facile dandæ sunt litteræ; sed cum Dei servis esse debebunt, sive clericis, sive laicis, in

A monasterio, vel in xenodochio, donec appareant penitus ipsa superstitione caruisse: et tunc vel baptizentur, si non fuerint baptizati, vel reconcilientur, si pœnitentiae locum acceperint, ne acceptis cito litteris loca, in quibus fuerant commendati, deserant.

Explicit commonitorium beati Augustini episcopi de hæresi Manichæorum sub execratione anathematis.

ANNIS DXXX - DXXXI.

BONIFACIUS PAPA II.

NOTITIA.

(Ex libro pontificali.)

• Bonifacius natione Romanus, ex patre Sigisculo, b sedit annos 2 dies 26. Fuit autem temporibus Athalarici regis hæretici, et (a) Justiniani Augusti. Hic cum Dioscoro ordinatur sub contentione. Qui Dioscorus ordinatur in basilica Constantiniana, Bonifacius vero in basilica Julii. Et fuit dissensio in clero et senatu dies 29 (b). Eodem tempore defunctus est Dioscorus pridie idus Octobris. c Ipsius diebus Bonifacius zelo et dolo ductus, cum grandi amaritudine sub vinculo anathematis et chirographi reconciliavit clerum, quem chirographum ecclesia archivio

B reclusit, quasi d damuans Dioscorum, et congregavit clericum, cui tamen in episcopate nullus subscriptis, dum plurima multitudo fuisse cum Dioscoro. Illic presbyteris, et diaconibus, et subdiaconibus, et notariis scutellas de adeptis hereditatibus obtulit, et alimonias multis in periculo famis clero subvenit. e Hic congregavit synodus in basilica beati Petri apostoli, et fecit constitutum, (c) ut sibi successorem ordinaret. Quo constituto cum chirographis sacerdotum, et jurejurando, ante confessionem beati apostoli Petri in diaconum Vigilium constituit. Eodem tem-

tum, non nisi uno anno et duobus diebus pontifice fuisse oportuit. SEV. BINIUS.

• *Ipsius diebus Bonifacius, etc.]* Post obitum Dioscori, Bonifacius nimio zelo commotus eumdem Dioscorum, tanquam simonice criminè pollutum, anathematis sententia condemnavit: et ad evitandum deinceps futuri schismatis perlorum, convocata synodo, Vigilium diaconum successorem sibi designavit. Quæcum post semotos affectus sacris canonibus adversari cognovisset, secundo congregato concilio, res a se perperam gestas plane irritavit, factumque erroneum peracta pœnitentia expiavit. Successores Bonifacii, Agapetus et Silvarius, res in hac synodo gestas confirmarunt. SEV. BINIUS.

• *Damnans Dioecorum]* Ob causam pecuniariam, Dioecorum velut simoniacum a Bonifacio condemnatum fuisse, aperte scribitur in epistola Justiniani imperatoris ad Joannem papam scripta, et ad Vigilius data, qua sic ait: *Dioscorus, cum nihil in fidem peccasset, tamen solum propter ecclesiasticum ordinem, post mortem ab eodem Ecclesia Romana anathematisatus est.* Si igitur nihil in fidem peccantes episcopi, propter solum ecclesiasticum ordinem, et propter causam pecuniariam anathematis et post mortem subiectiatur, quanto magis Theodorum, etc. Dioecorum, iusta sententia condemnatum, Agapetus absolvit, ut patet apud Anastasium in Vita ejusdem Agapeti. SEV. BINIUS.

• *Hic congregavit synodum]* Cum Gothorum reges

(a) Ms. cod. Luc. 490, Justini.

(b) Idem cod., xxviii.

(c) Idem cod., fecit constitutum cuius chirographis sacerdotum, et jurandum ante confessionem apostoli Petri in diaconum Vigilium constituit Eodem tempore.

In inicio pontificatus Bonifacii Belisarius dux militum imperialium cum exercitu suo a Persis in discrimen adductus est, cum quatuor annis feliciter contra eos pugnasset. Gentes maritimæ, quarum subiectum contra Persas implorarat, ex idolatriis Christianas redidit. Procopius de Bello Pers. libro 1. Theodorico Francorum regi Theodosbertus filius Theodorici, et Clodovei nepos successit. Ex Procop. et Gregor. Turenensi Baron anno 530, n. 49. De Bonifacio scribit Ado in martyrologio, quod ecclesiam S. Michaelis archangelei nomine constructam in summitate circi dicaverit. SEV. BINIUS.

• *Sedit annos duos dies 26] Verius anno (Errat hic Binius) uno et duobus diebus. Nam cum fateatur hic ipsum 17 Octobris anno post consulatum Lampadii, qui est Christi 531, defunctum esse, constetque iis quæ supra initio harum adnotationum dixi, et ipsum 15 Octobris, anno Domini 530, pontificem esse crea-*

pore^a facta iterum synodo, hoc censuerunt sacerdotes omnes propter reverentiam sancte sedis : et quia contra canones hoc fuerat factum, et quia culpa eum respiciebat, ut successorem sibi constitueret, ipse Bonifacius papa reum se confessus est majestatis, quod diaconum Vigilium sua subscriptione chirographi ante confessionem beati apostoli Petri constituit, ac ipsum constitutum in praesentia omnium

impie sibi usurpassent Romani pontificis electionem, ad ejusmodi presumptam et vi usurpatam licentiam ex Gothorum manibus extorquendam Bonifacius Ecclesie consultum esse judicavit, ut nullo relicto sedis vacantis loco, successorem sibi eligeret. Quod licet speciem quoddam justitiae præ se ferret, postea tam ab omnibus est reprobatum. SEV. BINIUS.

^b Eodem tempore facta iterum synodo] Secundam synodus Romanam intelligit, qua acta prioris concilii rescidit et irritavit. SEV. BINIUS.

^b Eodem tempore venit relatio] Preterat his temporibus Carthaginensi Ecclesie Reparatus episcopus.

A sacerdotum et cleri et senatus incendio consumpsit.
^b Eodem tempore venit relatio ab Afris episcopis de constitutione, et ut cum consilio sedis apostolice omnia Carthaginensis episcopus faceret. Qui Bonifacius sepultus est in basilica beati Petri apostoli, sub die 17 mensis Octobris, (a) post consulatum Lampadii. Et ^c cessavit episcopatus mensis 2 dies 15.

SEV. BINIUS.

^c Cessavit episcopatus menses 2 dies 15] Ex hoc mensium et dierum numero dicendum foret Joanneum successorem Bonifacii creatum esse pontificem ipsius calendis Januarii, secundo anno post consulatum Lampadii et Orestis, quem primo anno post dictorum consulatum Bonifacio subrogatum fuisse non tantum ipse sibi contrarius fatetur Anastasius, sed etiam inscriptio in titulo Eudoxie, quæ est in ecclesia S. Petri ad Vincula, idem manifeste indicat. Vide Baron. an. 531, u. 8. SEV. BINIUS.

(a) Idem cod., consulatu.

BONIFACII PAPÆ II EPISTOLÆ ET DECRETA.

EPISTOLA PRIMA (OLIM XI).

DONIFACIUS PAPA II AD CÆSARIUM ARELATENSEM.

Eius rogata confirmat ea quæ in synodo Arausicana fuerant definita.

Dilectissimo fratribus Cæsario Bonifacius.

Per filium nostrum Armenium presbyterum et abbatem litteras tuæ fraternalitatis accepimus ^a quas ad nos ut appareat inscius adhuc sacerdotii mihi commissi sub ea qua in Deo tenemur caritate direxeras : quibus credideras postulandum, ut id quod a beate recordationis decessore nostro papa Felice pro catholicæ fidei poposceras firmitate mea explicareetur instantia. Sed quia id voluntas superna disposuit, ut quod per nos ab illo speraveras, a nobis potius impetrares; petitioni tuæ, quam laudabiliter sollicitudine concepisti, catholicum non distillimus dare responsum. Indicas enim (quod aliqui episcopi Galliarum, cum cætera jam bona ex Dei acqueverint gratia proveuire, fidem tantum, qua in Christo credimus, naturæ esse velint (dicant), non gratiæ; et hominibus ex Adam, quod dici nefas est, in libero arbitrio remansisse non etiam nunc (abest hæc præpositio ac. Palatino et alii) in singulis misericordiæ divinæ largitate conferri : postulans ut præ ambiguitate tollenda confessionem vestram, qua vos e diverso fidem rectam in Christo, totiusque bonæ voluntatis initium, juxta catholicam veritatem, per prævenientem Dei gratiam singulorum definitis sensibus inspirare, auctoritate sedis apostolice firmaremus. Atque ideo, cum de hac re multi Patres, et præ cæteris beate recordationis Augustinus episcopus, sed et maiores

^a Cæsario Bonifacius] Tertium epistolæ hujus exemplum vidimus in codice Toliano Engolisiensi; meminitque ejusdem Cyprianus diaconus in Vita sancti Cæsarii, lib. i, sub fine. JAC. SIRMONDUS.

^b Quas ad nos, sub ea] Quedam hoc loco depra-

nostri apostolice sedis antistites, ita ratione probentur disseruisse latissima, ut nulli ulterius deberet esse ambiguum, fidem quoque nobis ipsam venire de gratia, supersedendum duximus responsione multiplici : maxime cum secundum eas quas ex Apostolo direxisti sententias, quibus dicit: *Misericordiam consecutus sum, ut fidelis essem (I Cor. vii); et alibi: Vobis datum est pro Christo, non solum ut eum creditis, rerum etiam ut pro eo patiamini (Philip. 1)*; evidenter appareat fidem, qua in Christo credimus, sicut et omnia bona, singulis hominibus ex dono supernæ venire gratiæ, non ex humanæ potestate naturæ : quod etiam fraternalitatem tuam, habita collatione cum quibusdam sacerdotibus Galliarum, juxta fidem gaudemus sensisse catholicam : in his scilicet in quibus uno, sicut indicasti, consensu diffinierunt fidem, qua in Christo credimus, gratia Divinitatis præveniente conserri ; abjicientes etiam nihil esse prorsus secundum Deum boni, quod sine Dei quis gratia aut velle, aut incipere, aut operari, aut perlicere possit, dicente ipso Salvatore nostro: *Sine me nihil potest facere*. Certum est enim atque catholicum, quia in omnibus bonis, quorum caput est fides, nolentes nos adhuc misericordia divina præveniat, aut velimus; insit nobis cum volumus; sequatur etiam ut in fide (fine, ex c. Pal.) duremus, sicut David propheta dicit: *Deus meus, misericordia ejus præveniet me (Psal. LXXXVIII)*; et alibi: *Misericordia mea cum ipso est (Psal. LXXXVIII)*; et alibi: *Misericordia ejus subsequetur me (Psal. XXII)*. Similiter et B. Paulus dicit: *Ant quis prior dedit et, et retribuet illi? quoniam ex ipso, et per ipsum, et in ipso*

vata erant in antiquis exemplaribus, ex quorum vestigiis hec eruvi videbantur: *quas ad nos, ut appareat, in hujus aditu sacerdotii mihi commissi sub ea*, etc. JAC. SIRMONDUS.